

Basler Dybli



Mir sueche no Zugsbegleiter ...

...fyr d'Fasnacht 2006

Liebe Eltere

Damit unseri Kinder an dr Fasnacht rundum guet versorgt sinn, isch es notwändig, dass während de drei scheenschte Daag e paar Erwaggseni, ca. 6 Persone, zum Wohl vo unsere Binggis luege.

Jedi Jungi Garde isch während dr Fasnacht (Mäntig & Mittwuch!) uff d'Zugsbegleitig ahgwiise. Es isch wichtig, dass d'Eltere vo de Kinder wysse, dass ihri Knepf an dr Fasnacht in guete Händ sinn, und si se z'Oobe jewiils wieder wohlbehietet könne koh abhole.

Näbscht dämm e Zugsbegleiter luegt, dass immer alli Kinder binenander bliibe, und das es de Kinder an nyt fählt, muess au zur Latärne gluegt wärde. Me luegt, dass si am Morgestraich und z'Oobe jewiils lyychtet, dass si in de Pause nit uff dr Route im Wäg stoht, usw. Es git e mängge Ämtli wo e Zugsbegleiter an dr Fasnacht hett, aber es isch au e Glägeheit d'Fasnacht uss emene aktive und spannende Blickwinkel mit z'erläbe. Es isch e dankbare Job, wenn me während de drei scheenschte Daag d'Kinderauge lyychte gseht und me weiss, dass me e Teil zu Ihrem Fasnachtsglugg hett könne biitragte.

Ich wott drum die Eltere unter Euch wo dr Zyt und Luscht hänn als Zugsbegleiter an dr Fasnacht mit z'hälfe drzue uffriefe sich drfyr ah z'mälde. Es bestoht d'Möglichkeit sich fyr einzeln halbi Daag als Zugsbegleiter zur Verfielig z'stelle, me muess also nit die ganz Fasnacht duure drbii si.

Also, mäldet euch doch bitte bis spötischtens am 11. Novämber ah, damit mr denn in de druff folgende Wuche könne zämme sitze, um uns fyr d'Fasnacht 2006 vor z'bereite.

Merci viilmoll

Nadja Studer

ANMELDUNG ALS ZUGSBEGLEITER FÜR DIE FASNACHT 2006

(bitte pro Person eine Anmeldung ausfüllen)

Name: **Nachname:**

Bitte gewünschte Schicht(en) ankreuzen

Tag	Morgen	Nachmittag	Abend
Montag	03.15 – ende Morgenstraich	Cortége – Nachtessen (19.00h)	Nachtessen – Abtreten (22.00h)
Mittwoch		Cortége – Nachtessen (19.00h)	Nachtessen – Abtreten (24.00h)

Bitte Anmeldung bis spätestens 11. November an Nadja Studer senden:

Nadja Studer
Hauptstrasse 77
4147 Aesch

Für Fragen bin ich unter der Nummer 079 667 96 11 oder per eMail unter jg-obfrau@basler-dybli.ch erreichbar.